

# Bernina von Guaita ed ils Comics rumantschs

■ **Ils Comics rumantschs 1975–1991 es stat ün periodic finanzià e redigi da Bernina von Guaita, ün periodic per uffants da la terza o quarta classa amunt.** Quist quadern mensil da mincha jada 16 fin 32 paginas es stat a seis temp ün grond success, pustüt ils prüms desch ons, e quai malgrà ils comics da lingua tudais-cha in culur.

Alch davart l'istorgia dals Comics: Dal 1974 in december a la radunanza generala da l'Uniun dals Grischs a l'hotel Alpina a Zernez ha il suotsegnà manzunà, cha comics per rumantsch füssan fich giavüschabels, eir perquai ch'als uffants ladins cumpran comics tudais-chs per part da povra qualità.

Trais dis plü tard es rivada Bernina von Guaita pro'l suotsegnà in chasa pravenda a S-chanf e ha dit, ch'ella saja inchantada da quista idea, e til giavüschà da güdar.



Aviond contact cun Ernesta Mayer-Christoffel ad Ardez – il cudesch «A l'abandun» tradüt dad Ernesta d'eira per gnir realisà – e saviond cha seis Gian Reto pitturaiva e disegnaiva, schi ha Bernina tut sü contact cun quel.

Amo quel mais haja dat ün prüm inscunter a S-chanf. Il resultat sun lura stats ils prüms trais quaderns dal Comics rumantschs, chi sun gnüts stampats l'on 1975 pro la ditte Roth a Tusan.

I s'ha lura decis dad edir regularmaing 12 quaderns ad on, mo da stampar quels pro la Stamparia engiadinaisa a Samedan.

Il suotsegnà ha proponü a Bernina da stampar la prüma pagina adüna cul listess rom in culur e quai per las ediziuns da duos fin trais ons per spargnar cuosts. Uschè d'eira da stampar laint mincha jada be l'annada e disegns our dal cuntgnü. E quai es restà uschè fin l'ultim.

Bernina v. Guaita es gnüda a S-chanf mais per mais cul manuscrit plü o main



pront per la stampa, quai fin dal 1980, ingio ch'al suotsegnà es i a star a Zernez.

Fingjà dal 1975 haja dat ün contact cun Paulin Nuotclà, chi ha lura contribui ün comic pel nr. 3 dal 1975 e daspö'l 1976 contribuziuns da comics per bod mincha nomer. Gian Reto Mayer nun ha lura plü fat part.

Mincha quadern vain plü o main la listessa structura: comics; purtrets da surpraisa (var 100); ingiavineras da plets cruschats ed otras; duos purtrets cun desch differenzas; labirints (in tuot var 100); ingiavineras cun disegns o purtrets da tuot gener; unir puncts per chattar üna persuna o figüra; raits da custabs per chattar noms da persunas e classas; purtret our da cudeschs ladins, chi laivan intimar ils uffants a leger quels;

Collavuratur(a)s da comics sun stats: Gian Reto Mayer d'Ardez (cun 17 contribuziuns); Sergio Galli (2); Paulin Nuotclà (248 incl. repetiziuns); Matthias Raymann (12 incl. rep.); Eduard Campell-Biveroni da Bever (2); Annetta Ganzoni (1);

Duri Gmür (1); Amit Hecht e (3) e Jesse (America) (9).

Bernina v. Guaita ha contribui pustüt ingiavineras da tuot gener, in tuot 1138, incl. alch repetiziuns. Tuot quistas ingiavineras vaivan da chefar cun la lingua, la litteratura, la cultura e la geografia d'Engiadina e da la Val Müstair.

Var 1500 scolaras e scolaras da las duos Engiadinas, da la Val Müstair e da Bravuogn ha contribui ingiavineras sumgliaintas a quellas da Bernina.

Daspö'l 1985 haja dat adüna daplü repetiziuns dals comics (raqintats) e bod mai contribuziuns novas, exceptuà «Baldi» e seis compels; matsch da ballapè» da Paulin Nuotclà i'l nr. 3/4, 1991. Ils divers «Baldis» vegnan repetits 24 jadas, tschels comics da Paulin Nuotclà perfin 55 jadas. Eir las contribuziuns da Bernina e dals uffants sun daspö'l 1985 bod tuotats repetiziuns. Bernina d'eira gnüda veglia! L'ultima annada ha be sis nomers e finischa in october 1991.

Gion Tschanner

## OPINIUNS

### Extraterresters?

Ils dis da Pastgas culla dimensiun globala fan endamen a mi ch'ins tschintshava meinsvart dalla dimensiun universala da nies ed auters munds ella galaczia digl univers. Che extraterresters vegnan scuvretgs ei e resta probabel in giavisch dils carstgauns. Quei füss bein la pli superbia speronza che vegnenton a restar in siemi.

#### Distanzas smisereivlas

In grond problem fussen las distanzas viers ils asters. Ina rachetta sa enteifer paucs dis sgular tier la glina. Tiel mars duvrass ei in mez onn. Quei füss aunc da sliagir, mo per satiuer objects dado nies sistem solar ston inimaginablas distanzas vegnir surmuntadas. E cheu setschenta la damonda dad anflar veta extraterrestra ni buc.

Avon entgens onns ei il planet gliese 581c vegnius scuvretgs ella constellaziun dalla stadera. El ei quasi 20 onns da glisch naven da nies mund. Ellas dimensiuns astronomicas munta quei ina vischinonza directa. El sesanfla era ella zona habitabla. Quei vul dir sin sia surfatscha füss aua en fuorma culonta pusseivla. Aua ei ina cundiziun per la creaziun da veta sco nus enconuschein. Mo nossa rachetta duvrass ellas meglieras cundiziuns silla via directa quasi 375 000 onns mo pil sgol ensiviars.

#### Communicaziuns radiofonicas ein difficultusas

Naturalmein vegness ina communicaziun radiofonica a bastar. Signals radiofonics viageschan tras il cosmos. Nuot ei pli spert che la glisch In e-mail tier gliese 581c füss 20 onns sin via. Sil pli tard savess ins sperar sin ina risposta suenter 40 onns.

Quella reflexiun schass supponer ch'ìls avdents dil gliese 581c füssien intelligents ed en possess dalla tecnica

da transmissiun. Els stuessen saver radiofonar egl univers. Nus terresters sa-vein far quei dapi meins che 100 onns schebein ch'ei dat sin nies mund veta dapi 1,9 milliuns onns. Sil gliese savess ei dar ils pli grondius animals e las pli adattadas jarvas, nus survegnessen negina risposta. Dess ei in planet cun avdents intelligents e dotai cun ina tecnica adequata en in'otra galaxia füss ina colligiaziun buca pusseivla. Nossa galaxia vischina ei 2,5 milliuns onns da glisch naven da nies mund. In e-mail füss lu 2,5 milliuns onns da glisch sin via. La risposta vegness en 12 milliuns onns da glisch.

#### Ufos ed extraterresters

Pli carstgauns raquantan ch'els hagian viu ufos ed extraterresters sin quest mund. Mo per quei dat ei neginas cumprovas. Ils ufos sin fotografias ein semussai sco fatamorganas dils vents. Cura che nus survegnin viseta d'extraterresters stat aunc scret ellas steilas.

#### Astrologs enqueran extraterresters

Cheusperas eisi fetg probabel che aunc autras creatiras existan egl univers. Cheu ein tuts d'in meini. Astrologs exploran schebein veta ei pusseivla sut cundiziuns extremas sco per exempel cun temperaturas fetg caudas ni planets senz'aua. Gia entginas bacterias sil mars füss ina vera sensaziun.

Mo cun astronavs ch'ei pli spertas che la glisch füss la prospexiun da lez planets pusseivla. Mo quei basegna novas cumpreziuns ella disposiziun da spazi e temps. E tgei vegnessen scopertas egl univers a purtar a nus? Probablamein era che nies mund ei per nus il pli bi liug egl univers.

Dumeni Capeder, Lucerna



FOTO S. ROTHMUND



Buca seigies trests sco quels che han negina speronza. Nos morts ein en buns mauns. (tenor S. Paul)

### Annunzia da morts

Suenter greva malsogna purtada cun gronda pazienza prendein nus cumiua da nies carezau consort, bab e tat

## Toni Gadola-Manetsch

19.05.1944 – 03.04.2015

#### Adressa da malencurada:

Adelina Gadola-Manetsch  
Via da Scola 20  
7180 Disentis/Mustér

#### En carezia:

Adelina Gadola-Manetsch, consorta  
Teofil ed Irene Gadola-Michel, fegl  
Fabian, Laura e Sina, beadis  
Reto e Maria Gadola-Schlosser, fegl  
Riccarda, Martin e Flurina, beadis  
Richard Gadola e Theres Burri Gadola, fegl  
David e Roman, beadis  
Alfred Gadola, fegl  
frars e soras  
quinai e quinadas  
figliol e figliola  
sco era en num dils auters parents, amigts ed enconuschents

Survetsch divin funeral cun sepultura dall'urna ei ils 11 d'avrel 2015 allas 14:00 ella baselgia parochiala a Mustér.

Rusari da morts ei gievgia e venderdis allas 20:00 uras

Cordial engraziament a Dr. med. Huonder, alla Spitex Cadi, al Spital regional Surselva ed a tut quels che han regalau carezia a nies car bab.

Enstagl da fluras duei vegnir risguardau la ligia encunter il cancer, conto da banca: 30-4843-9, IBAN: CH95 0900 0000 3000 4843 9